



廣西通志卷一百五十二

宦績錄十二

曾莘

凌嗣音

聶鉉

劉炅

歐陽東鳳

朱鼎

陳煥

李應裕

童時明

譚虬

謝君惠

盛萬年

賀萬祚

周起元

郭忠鼎

陳鑑

陳邦瞻

林夢琦

周一經

陸長庚

林恭章

呼良朋

楊寅秋

黃流芳

顏志邦

吳尚倫

蔣一葵

薛志學

翁懋勳

吳宗教

薛應鐘

孫繼先

林武莛

何士晉

梁子璠

鄭圭

王政岐

李邦才

鄭茂華

謝杞

王國相

衷崇寅

林贊

金九陞

汪德元

朱國玘

施召徵

董克正

錢積中

汪繼英

瞿式耜

焦璉楊鍾

汪暉梁若衡

龍之虬

張同儔

吳炳郭之奇

嚴起恒

楊鼎和

朱守謙

子贊儀等

陳象明

余昆翔

明七

曾莘六合人萬歷二十五年岑溪知縣時寇方平
綏撫懷來戶口繁息拓新城移官去邑人擁道留

之

文載

凌嗣音浙江烏程人萬歷二十七年梧州知府當
岑溪北陀大兵後兼助大工中璫權稅嗣音爲先
事綢繆裁節有方人心遂安

李志

聶鉉豐城人萬歷二十七年永福知縣縣差繁賦
重百姓逋亡鉉請於巡撫楊芳爲奏減糧額每石
捐三征七民世食其福

文載

劉旻南昌舉人萬歷二十七年藤縣知縣嘗捐俸
建學稅璫起藤濛二江稅於五屯采金四境洵洵
旻贊知府凌嗣音力爭罷之稅璫以查盤行縣旻

強項不屈

同上

歐陽東鳳字千仞潯江人萬歷二十八年平樂知

府

金志

撫諭生徭皆相親如子弟因白督學監司擇

其俊秀者人學徭漸知禮讓稅使橫行東鳳力抗

之以才調常州

明史顧憲成傳

朱璽深陽舉人萬歷二十八年新寧知州機羅十

六村武黎舊地也忠州侵人之點至始力爭以十

八村歸編爲七都州人記名官先是州之渠吞等

十六村見侵於汪川張忠中復之編爲六都思患

分宜人新寧知州

文載

陳煥臨海人萬歷二十九年懷集知縣除耗羨修

陂塘盡力田畝時議運官監煥以懷集民素不習

舟楫力爲請免士民建祠以祀

金志

李應裕字履順婺源人萬歷三十八年平樂府撫
夷同知治在深山箐崗中山嵐爲毒流官多不久
駐應裕身與撫循徭性暴直與居民小不合輒格
鬪至是斂輯應裕戒吏民毋爲虐立社學以稍知
字者附爲俊秀徭始有向化者三權稅賀橋一意

寬恤後乞休去

金志引婺源志

童時明字醒余淳安人萬歷四十年永淳知縣躬
履阡陌勸民耕種革諸不便於民者興學校修縣

治

金志

譚虬字玉潛廣東新會人萬歷四十三年恭城知

縣每朔望進諸生講課凡民間疾苦必詳詢務得其狀會歲大饑設釜萬壽寺捐俸作粥活民命千

餘

文載

謝君惠將樂人萬歷四十四年懷集知縣修學宮建文昌書院爲治振刷糾紛奸不能眩邑人有青天之譽擢刑曹復以郎中出爲梧州知府清聲尤

著

同上

盛萬年字恭伯浙江秀水人萬歷四十五年巡右江道駐賓州歲戊午旱所轄十餘城郊圻盡赤道殣相望谿崗林箐諸蠻乘機嘯聚窺逼城池萬年力請當事得一旅爲簡材官謀勇指綏方畧以少

擊衆斬獲無算又秘製火器設伏殲之諸賊聞風
膽落列戍防守賓地屹然爲重鎮旋議振饑捐俸
爲倡復借餉市米平糶置粥廠瘞遺骸曠役之糧
約數千有奇移文罷征而市米所贏爲賓民代輸
兵餉流移稍得安集會循例入賀士民畱之不獲

建祠尸祝焉

金志

賀萬祚字孝延浙江秀水人萬歷三十八年進士
由福建按察司副使徙廣西布政司參政分守左
江道土寇胡扶記爲亂官兵敗績路將蔡人龍戰
沒詔集大師征討會監軍參政潘應龍知潯州府
事張嵩相繼卒於師環兩江州縣咸震驚萬祚疾

馳上官以方畧獲扶記父子兄弟皆就戮招降莫
敬龍所部千人置之內地別部帥黎扶三以兵出
掠敬龍生禽以獻斬之于市羣蠻懾伏境內盜賊
悉平鎮安土司岑繼祥與歸順土司岑大倫爲仇
力不勝潛通安南莫敬寬密以騎象掩殺大倫刦
官男州印去當事者欲徼功謀討安南萬祚曰鎮
安上司世受冠帶一旦甘爲禍首舍此不問問安
南非計也宜治鎮安以漢法詰責安南聽其服罪
當事者從其言敬寬果輸服送還官男州印朱彝尊
書亭萬祚當土寇之初定也萬祚鎮靜安攘爲善後六
議皆懲惡補苴之計久而攸賴民祠祀焉文載

周起元字仲先海澄人萬歷中廣西參議分守右江道柳州大饑羣盜竄起起元單騎招劇賊而振恤饑民愛民甚至移四川副使

明史周起元傳

郭忠鼎字盡臣江西泰和人萬歷間任潯州知府郭外兩江分兩關故例三日一放流急舟擁每易覆溺忠鼎不時啓關稅額外禁吏無所取徭民雜居一意勸恤訟者無煩刑贖錢之苦時稱其多惠

政金

陳鑑石屏人萬歷四十五年梧州知府甫再月梧城大火城內外公私廬舍俱燼鑑徒步周詢所振以千餘計時有乘機夜掠者捕獲以軍令徇民乃

安是年粵西復大祲柳慶橫邕潯梧稻盡稿諸郡
殍死相藉鑑發倉粟平糶盡則以價轉糴廣東濟
民食闕梧陽書院選十屬生徒俊異者處之修護
龍堤浚鱸魚池瀦蓄其水爲學宮後與在任四年
遷分守潯寧道去建祠祀之

文載

陳邦瞻字德遠高安人萬歷四十七年巡撫廣西

全志上林土官黃德勛弟德隆及子祚印叛德勛投

田州土酋岑茂仁茂仁納之襲破上林殺德勛掠

妻子金帛守臣問狀詭言德勛病亡乞以祚印繼

邦瞻請討於朝會光宗嗣位卽擢邦瞻兵部右侍

卽總督兩廣軍務兼巡撫廣東遂移師討禽之

明史

陳邦瞻傳

林夢琦晉江人萬厯己未南寧知府時當大荒後甫下車問民疾苦發倉振濟是歲秋遂大熟性鯁介不畏豪竊恤鰥寡課士養民以援黔功遷守左

江道

文載

則一經字子明貴溪人萬厯間兵備右江會黃關者有膂力善騎射而涉獵文藝殺掠人無厭諸臺捕之不出田州夷羅滿雷宗弑其主關進掠田州殺羅佑以州叛一經與參將汪宏器采人其阻浹旬斬關首縛其黨數百人

同上

陸長庚字元白浙江平湖人萬厯中分守桂平道

穆首韋扶仲盤花婆擾府江出沒荔浦大役掠時
用兵進勦費餉十三萬長庚力請總督撤兵且曰
願勿中制事成不敢君功遂畱兵三千守荔浦城
鋒盡撤賊果懈防守乃密與副總兵童元鎮定謀
夜率兵至白馬冲襲獲其妻女募猾獍十人誘扶
仲出劫遂墮伏中力戰遁去荔浦兵已扼其歸路
分道要擊禽之盤花婆亦授首餘黨聽撫久寨等
諸路悉平長庚賜金綺晉爵一級

浙江通志

材恭亨字爾肅莆田人萬歷中歷官潯寧平明四
府交趾還貢稅例歸按察司恭章於關外大書誓
不受交趾一物

福建通志

呼良朋字如蘭鎮東人歷官至總兵佩征蠻將軍
印鎮廣西時昭州叛卒據三峯峰門爲亂良朋檄
參將白玉間道趨荔浦身自督兵繼之奉命征府
江部分諸將以二萬人爲四隊絕險並進斬虜猺
賊數千進擊諸支崗盡平之綏輯良猺至千餘家
乃置戍建堡分田給餉以其閒令戍卒刊蒙翳治
橋梁郵置亭館絡繹不絕兩江之間往來如砥捷
聞賜金綺未幾以母老乞歸

金志引
獻徵錄

楊寅秋字義叔江西泰和人萬歷中遷廣西副使
擊叛獍韋公成等定五山又擊叛猺黃朝田等定
府江先是交趾黎莫構誑貢道久絕廷議剿之寅

秋獨主綏輯黎果來款左江鳴吠不驚邑人相率
祠報之後以疾卒撫按交疏請卹其畧云交南折
華之勲方之銅柱府江破竹之烈過於金城詔贈

太僕卿

李志

黃流芳字若瓚博羅人萬歷間官按察副使宜陽
天河縣爲土司蠶食邊界下檄責其罪狀土酋惶
恐不敢擾柳慶間多劇盜率諸將削平之進參政
按部蒼梧首飭軍政境內肅然在官以廉節自敦
文武將吏無敢以餽遺進者嘗詔吉水鄒南皋曰
非敢異物率吾性耳

廣東通志

顏志邦字小山茶陵人萬歷間由歲貢累官永寧

知州哲明法斥苞苴省冗費不私一錢州人相謂曰顏侯惟飲永寧水耳愆久不雨志邦從民數輩徒跣禱亦日中雨輒如注民歌曰此顏公雨也諸獐婦多蓄蠶悉按之法其習遂除

文載

吳尚倫字觀揚萬歷間累官永寧知州歲饑發帑賑庶招流亡民以濟

蔣一葵字仲舒武進舉人萬歷中靈川知縣時猺夷攻劫而土著渠魁構煽其間一葵兼得主名置之法而諭脅從者以朝廷威德正疆界別直枉夷情遂定

俱同上

薛志學字海觀常熟人萬歷間天河知縣縣四堡